



原件短缺

缺卷1~2



事物紀原集類卷第三

凡四部共一百六十七事

禮部

鄉貢進士闈校校正

旗旒采章部第十三 凡四十事

禮部

幟

古今注云漢京兆河南尹執金吾司隸校尉皆使馬前導引  
傳呼使行者止坐者起四人持角弓箭走及乘高窺瞰者皆  
射之魏設而不用今鹵簿又以幟而不用以弓亦弛而不用  
行則居前由魏始也

車輻

古今注曰捧也漢朝執金吾金吾亦捧以銅為之黃金塗兩  
頭謂之金吾御史大夫司隸校尉亦得執焉御史校尉郡守  
都尉縣長之屬例皆木為吾用以夾故謂之車輻一曰形如

車輻故云也宋朝會要曰形如車輻今刻未漆八稜  
勘箭

筆談曰大駕鹵簿中有勘箭如古之契勘也其牡謂之雄牡  
箭牝謂之闕仗箭本胡法也熙寧中罷之

警蹕

周禮夏官隸僕掌蹕宮中之事注謂止行者自漢以來天子  
出稱警蹕又稱蹕古今註曰所以戒行徒也周禮蹕而不警秦  
制出軍者皆警蹕入國者皆蹕止故云出警蹕入蹕一曰蹕路  
也謂行者皆警蹕于塗路也蓋始乎周制

皂纛

六典曰後魏有皂纛宋朝會要曰皂纛本後魏纛頭之制唐  
衛尉寺錄其一蓋旄頭之遺像

爆

宋朝會要曰爆擊聲也一云象爆牛善鬪字從爆唐金吾將  
軍執之今制如即加碧油

及

古今註曰及戟之遺象也詩所謂伯也執及為玉前驅及前  
驅之器也以木為之後世澆偽無復典刑以赤油韜之亦謂  
之油戟亦曰祭戟王公已下通用為前驅蓋周制周官考工  
記曰廬人為及此其始也餘見五兵

牙門

宋朝會要曰古者天子出建大牙今制錯練為神人象中道  
前後各一左右道五門門二旗蓋取周制立旌表門及天子  
五門之制

土兔旗

又曰乾德六年太祖親郊有司請以國初以來祥異著旗章  
遂作金鸚鵡玉兔馴象三旗注云建隆二年隴州楊勳獻鸚  
鵡鄆州姚光輔獻白兔及馴象自來為三旗也  
攝提旗

又曰建隆四年將郊祀禮儀使陶穀建議取天文北斗攝提  
之象作攝提旗及北斗二十八宿十二辰五嶽五方神五鳳  
四瀆等旗也

龍旗

開寶通禮新加然則蓋自宋朝新制也謂風伯雨師雷公電  
母各一五星五左右攝提二北斗一也

鉞

史記趙良謂衛鞅曰君之出也操闕戟者空方車而趨續漢書  
輿服志曰漢大駕前驅有鳳皇闕戟鉞闐字同然則疑秦制  
也

罕單

通典曰武王剋紂百夫荷罕旗以先驅后漢有九游雲罕西  
京雜記曰漢大駕有罕單在左右則是漢始制此二物晉輿  
服志五時車后次華蓋中道左單右罕宋朝會要曰象畢為  
天街故為前引皆赤質金銅飾朱藤結網金獸面罕方上有  
二螭首街紅絲拂單如圓扇

黃麾

通典曰黃帝振兵設五旗五麾則黃麾製自有熊始也宋朝  
會要曰麾古有黃朱纁三色所以指麾也漢鹵簿有前後黃

麾今制絳帛為之如幡采成黃麾字古今註曰麾所以指麾  
武王執白旄以麾是也乘輿以黃諸王以朱刺史二千石以  
纁

斝

宋朝會要曰斝本緝鳥毛為之唐有六色孔雀大小鵝毛鷄  
毛之制隋書禮儀志曰梁武受禪于齊多循其儀物御仗其  
赤斝青斝于此已有斝制矣

儀

相朝會要曰鈇屬也秦漢有之唐相為儀仗古今註曰秦改  
鐵鈇作鎗秦製也

白幹

又宋朝會要曰稍也唐羽林所執制同稍而鐵刃上綴朱絲

拂隋志記齊梁四代儀中亦有此物疑晉宋以后以為仗衛  
也

班劍

又曰本漢朝服帶劍取五色班闌之義開元禮義纂曰漢制  
朝服帶劍晉代之以木謂之班劍宋齊謂之象劍

儀刀

二儀史錄曰儀刀自東晉多虞遂以木代之以備威儀即衙  
刀也宋朝會要曰銀飾王公亦給

御

宋朝會要曰晉宋以來有之黑鞞金花銀飾鞞厄紫絲條鞞  
鎡

引駕旗

皇祐大饗明堂記曰引駕旗唐禮令無文開寶通禮新加謂  
十二辰天王二等旗也

龍墀旗

又曰龍墀旗唐禮令亦無文開寶通禮新加謂天下太平一  
五方各一君王萬歲一日月各一

合璧旗

漢書律歷志曰武帝選治曆者造太初曆復使淳于渠陵覆  
曆晦望弦朔最密太初元年十一月甲子朔旦冬至七政周  
起牽牛初度日如合璧五星如連珠大饗明堂記曰宋朝  
取此義制二旗并以禮物謂日月合璧二巨文二夾之五星  
連珠一祥雲二夾之

五嶽旗

大饗明堂記曰五嶽五方神五龍五鳳四續神等旗宋朝新

方織

宋朝會要曰方織古張帛避雨之制今有方織大織則是織  
之制始于古張帛也

雉扇

古今註曰起于商高宗有雉雉之祥服章多用翟羽周以為  
王后夫人之服飾車之有翟織雉羽為扇以翳風塵漢乘輿  
服之後以賜梁孝王魏晉以來為常雖諸王皆得用之

毬杖

宋朝會要曰毬杖非古蓋唐世尚之以資玩樂

鳴鞭

又曰唐及五代有之周官條狼氏執鞭趨辟之遺法也然則鳴鞭雖始于唐亦本周事也

旂常

周礼巾車玉輅建太常疏曰按司馬法章復以日月上明商以虎上威周以龍上文釋名曰日月為常畫日月于旗端言常明也云自夏后始奚仲為夏車正加以旂常於是旂就有差用明尊卑之別

朱團扇

宋朝會要曰本漢世長柄扇宋孝武時詔王侯鄣扇不得用雉尾故王公以下有朱團扇疑自此其始也

金節

又宋朝會要曰金節隋制也八品黃綉龍儀節之周禮六節

山國用虎十國用人澤國用龍三節皆金為之則防別金節取茲義小

節

周禮地官之屬掌節有五角虎人龍符璽旌等節漢文有旌節之制西京雜記曰漢大駕鹵簿有節十六在左右則漢始用為儀仗也筆談曰古節如今虎符其用則有珪璋龍虎之別皆擯將之英蕩是也漢人有持節乃古旌也然則節自周始而旌節則起于漢也

華蓋

古今註曰華蓋黃帝與蚩尤戰常有五色雲氣金枝玉葉止于帝上有花蔭之象故作華蓋筆談輦后曲蓋謂之良兩旁夾扇通謂之扇良皆綉亦有銷金者即古華蓋也



旌

管子曰舜有進善之旌則旌為起于危帝

旒

世本曰黃帝作旒

俾倪

宋朝會要曰漢乘輿用之如花蓋而小疑漢始制之也

負神旗

宋朝會要曰建隆中將郊祀太祖又詔別造大黃尤負圖旗

一大神旗六日旗一月旗一君王萬歲一天下太平一師子

二金鸞金鳳各一五龍五几二十一旗皆有采南郊用之大

黃龍負圖旗陳于端門前餘二十旗悉立於宿頓宮前朝會

冊札亦陳于殿庭也

曲蓋

古今註曰曲蓋太公所作武王伐紂大風折蓋太公因折蓋之形而制曲蓋

鷄竿

揚文公談苑曰杜鎬言金鷄肆赦不知起于何代開東風俗

傳曰宋孝主問司馬膺之後魏北齊赦日立金鷄事膺之曰

按海中星占云天鷄星動為有赦蓋王者以天鷄為度隋書

刑法志北齊赦日令武庫設金鷄及鼓于闔門右搥鼓千聲

宣赦建金鷄或云起于西凉呂光未知孰是究其旨蓋西方

主兌兌為澤鷄者異神異主號令故合二物置其形揭于長

竿使衆觀之唐百官志曰中尚令赦日立金鷄于仗南有鷄

黃金飾首銜絳幡承以采盤維以絳繩教坊小兒得鷄首者

官以錢購或取絳幡而已蓋此禮起于有唐也  
旌節

呂氏春秋曰墨者田鳩見楚王王悅之得將軍之節將軍賜節戰國已然周禮六節道路用旌節孟誥錦帶前書云以竹爲之使人執導之又周使節四旌節其一也隋書禮儀志曰後周制有旌節畫白獸而折羽于其上唐車服志曰高祖初大將出賜旌以顯賞賜節以顯殺旌以絳帛五丈粉畫虎銅龍一首纏緋旛紫縑爲袋油囊爲表節懸畫木盤三相去數寸隅垂赤旒餘與旌同此蓋唐制也

冠冕首飾部第十四凡三十九事

共八十三事

禮圖曰緇布冠始冠之冠也太古冠而然則冠之興其始

自太古乎通典曰上古衣毛蠟皮後代聖人見鳥獸冠角乃作冠纓黃帝始用布帛或曰黃帝已前用皮羽也六帖曰孔子作緇布冠誤矣

冕

說文曰黃帝初作冕世本曰黃帝作旒冕宋衷云冠之垂旒者通典曰黃帝作冕垂旒目不邪視也充纊耳不聽讒言也應劭曰周始垂旒杜佑云宋更名平天冕故今人亦以爲稱也

弁

世本曰魯昭公作弁而禮記稱三王共皮弁素積然則弁蓋三代之制非魯昭公所能作也宋均謂作素弁是則始以素爲弁矣孔子麻冕禮也今也純儉吾從衆孔子之時冕已用純則冕弁之以絲自魯昭公始也

簪

桓寬鹽鐵論曰禹治水墮簪不顧簪始見此自女媧之女為  
簪以貫髮亦簪之始矣其與冠纓同興乎

纓

董巴輿服志曰上古衣毛而蠟皮後代聖人易之見鳥獸冠  
角顛胡遂作冠冕纓綾淮南子亦云公華曰唐虞已上布冠  
無綾謂纓其始于堯舜乎

幘

隋禮儀志曰幘按董巴云起于秦人施于武將初為絳帕以  
表貴賤漢文時加以高顏孝元額有壯髮不欲人見乃始進  
幘又董偃綠幘東觀記云賜段穎赤幘故知自上下通服之  
皆烏也厨人綠馭人赤輿輦人黃馮五輅人逐車色其承遠

遊進賢者施以學道謂之介幘承武弁者施以弁道謂之平  
巾

通天

蔡邕獨斷曰通天冠漢制之秦禮無文

貂蟬

一曰武弁大冕侍中冠之金璫左貂青趙武靈王胡服也秦  
始皇滅趙以賜侍中故為侍中之服

長冠

漢書高祖紀曰帝為亭長乃以竹皮為冠令求盜之薛治之  
及貴常冠所謂劉氏冠漢以來曰長冠通典曰漢高帝採楚  
制制長冠形如板以竹為裏亦名齊冠以高帝所制曰劉氏  
冠

高山

後漢志胡廣曰齊王冠秦滅齊以賜謁者服之董巴志曰一曰側注傳子曰魏明帝以似通天乃毀變其形除去卷卷用今如介憤憤上加物以象山峯

法冠

後漢輿服志曰法冠一名柱後惠文或謂之獬豸冠獬豸神羊能別曲直楚王嘗獲之故以為冠楚執法者服之御史是也淮南子曰楚文王好服獬豸冠楚國效之注云獬豸冠也當是楚文王所制

進賢

古緇布冠之遺象也董巴以為文儒之服漢官曰平帝元始五年令公卿列侯冠三梁二千石兩梁千石以下一梁梁別

貴賤自漢始也

幘頭

二儀實錄曰古以皂羅三尺裹頭號頭巾三代皆冠列品黔

首以皂綃裹髮亦為軍戎之服後周武帝依周二尺裁為幘

頭此得名之始也至唐馬周交解為之用一尺八寸左右三

攝法三寸重繫前脚法二儀唐會要曰故事全幅皂向後幘

髮俗謂之幘頭周武帝建德中裁為四脚正觀中太宗謂侍

臣曰幘頭起于周武蓋取便于軍容其中子則自武德中始

用按穆宗朝帝好擊鞠而宣喚不以時諸司供奉人急于應

召始為硬裏裝于木圍之上以待倉卒五代末梁高祖始布

漆于紗施鐵為脚作今樣也筆談曰唐惟人主用硬脚晚唐

方鎮擅命始借用之宋朝有直脚等吾等惟直脚貴賤通服

也續事始云隋大業十年牛弘請着巾二以桐木爲之武帝中初置平巾小樣又云武后內宴賜百寮絲葛巾子

帽

通典曰上古衣毛帽皮則帽名之始也周成王問周公曰舜之冠何如曰古之人上古帽而領或云義取覆其首本纜也古者冠下有纜以緇爲之後世施幘于冠因裁纜爲帽上下通服之玄中記曰始作帽漢權軀著黃帽晉主濛破帽入帝則歷代皆有之五代梁媼漆爲今樣吳處厚青箱雜記曰天聖已前烏幘惟用光紗自後始用南紗迨熙寧中復稍稍用光紗矣

蓆帽

實錄曰本羗人首服以羊皮爲之謂之氈帽即今氈笠也秦

漢競服之後故以蓆爲骨而鞣之謂之蓆帽女金異者四錄垂下網子以自蔽今世俗或然吳處厚青箱雜記曰士許在蜀好私行恐人識之令民戴天帽則世俗之戴蓆帽始于王衍也

大帽

又曰大帽野老之服也今重戴是本野夫嵩叟之服唐以皂縠爲之以隔風塵李氏資暇曰大裁帽也談苑曰後魏孝文帝自雲中徙代以賜百寮五代以來唯御史服之本朝淳化初宰相學士御史比省官尚書省五品已上皆令服之今唯卽中臺諫服之自後魏始

帷帽

唐車服志曰帷帽創于隋代末徽中始用之施君愛頸今世

上人往往用皂紗若青全幅連綴于油帽或氈笠之前以障風塵爲遠行之服若采此又有面衣前後全用紫羅爲幅下垂雜他色爲四帶垂於皆爲女子遠行乘馬之用亦曰面帽按西京雜記趙飛燕爲皇后女弟昭儀上襪三十五條有金花紫羅面衣則漢已有面衣也

頭巾

古以皂羅裹頭號頭巾蔡邕獨斷曰古憤無巾王莽頭素乃始施巾之始也筆談曰今庶人所戴頭巾唐亦謂之四脚二繫腦後二繫額下取服勞不脫反繫于頂上今人不復較後領下兩帶遂爲虛設後又有兩帶四帶之異蓋自宋朝始

幅巾

古齊人服巾士則冠矣傅子曰漢末三公多委去服以幅巾

爲雅素則幅巾古賤者服也漢末始爲士人之服袁紹戰敗幅巾渡河是也

頭縵

二儀貫錄曰燧人時爲髻但以髮相纏而無物繫縛至女媧之女以羊毛爲繩向後繫之後世易之以絲及綵絹名頭縵繩之更狀也

曲領

隋禮儀志云曲領按釋名在單衣內襟領上橫以雍項檢自歷代衣服之制其物無文隋志于梁陳已來始戴之又據釋名爲制按釋名後漢劉熙所作當是曲領之起亦漢儀也

裝頭

唐初呂人着罽毼雖發自戎夷而全身障蔽王公之家亦用

之永徽之後用幘帽後又戴皂羅方五尺亦謂之幘頭今日蓋頭凶服者亦以三幅布為之或曰白碧綃若羅也

冠子

二儀 貫錄曰爰自黃帝制為冠冕而婦人者之首飾服無文至周則其物自漢始矣古今註曰魏文帝有絕寵四人莫瓊樹制 蟬鬢 綉如蟬翼段巧笑始錦衣絲履作紫粉拂面陳尚衣 歌 舞 薛夜來善為衣裳一時冠絕一云冠起當世

特髻

遂人以為髻呈周王后自服為副編鄭云三輔謂之假髻及持髻共遺事也二儀實錄曰婦人束髮為髻髻繼也言女子必有繼于人也但以髮相纏而無物繫縛

髮髻

周禮王后夫人之服有以髮髻為首飾者故詩鬢髮如雲不脣髻也甚周制云馮鑑教事云晉永嘉中以髮為步搖之狀名曰髮質以為禮容即今髮髻特髻其遺象也

釵

實錄曰燧人始為髮女媧之女以荆梭及竹為笄以貫其髮至堯以銅為之且橫貫為髮維以象牙玳瑁此釵之始也

玉釵

郭憲洞冥記曰漢武帝元鼎元年有神女留玉釵與帝故宮人作玉釵

梳

實錄曰赫胥氏造梳以木為之二十四齒取疏通之義

梳

說文曰櫛梳櫛總名也釋名曰梳言其齒疏也批言其細相比也禮男女不同巾櫛是批因梳而制也今作梳

粧

周文王時女人始傅鉛粉秦始皇宮中悉紅粧翠眉此粧之始也宋武官女効壽陽落梅之異作梅花粧隋文宮中紅粧謂之桃花面

首飾

實錄曰自燧人之始婦人束髮加首飾文王又加翠翹步搖也

畫眉

秦始皇宮中采紅粧翠眉此婦人畫眉之初也實錄曰漢武

帝令宮人掃八字眉西京雜記曰司馬相如妻卓文君眉如遠山時人効之畫遠山眉魏武令宮人掃青黛眉

粧靨

近世婦人粧喜作粉靨面如月形如錢樣又或以朱若燕脂點者唐人亦尚之段成式酉陽雜俎曰如射月者謂之黃星靨靨面之各蓋自吳孫和誤傷鄧夫人頰醫以白頰髓合膏琥珀太多痕不滅有赤點更益其妍諸嬖欲要寵者皆以丹青點頰此其始也又云大曆已前士大夫妻多妬者婢妾少不如意則印面故有月點錢荷如此則固非嘉事也宋武宮中數爵陽落梅粧此其遺意也

花鈿

酉陽雜俎曰今婦人面飾用花子起自唐上官昭容所制以



掩點迹也按隋文宮貼五色花子則前此已有其制矣似不起于上宮氏也雜五行書曰宋武帝女壽陽公主人日卧于含章殿簷下梅花落額上成五出花拂之不去經三日洗之乃落宮女奇其異競效之花子之作疑起于此

鉛粉

墨子曰禹作粉張華博物志曰紂燒鉛作粉謂之胡粉續事始曰鉛粉即紂所造也

輕粉

實錄曰蕭史與秦穆公鍊飛雲丹第二轉與弄玉塗之名曰粉即輕粉也此蓋其始也

燕脂

古詩註曰燕脂草出西華山以刷花以畫土人以染粉為婦

人面色故名

燕脂後人動之以紅花染絳為之非彼草染者也秦宮中悉紅粧當是其物自秦始也一曰燕支續事始云

面脂

廣志曰面脂曰魏興已來始有之

刷

陸雲與兄機書曰按行曹公舊物有刷泥處尚識又別有刷

齒纖疑自秦漢已來也

衣裳帶服部第十五 元四十四事

衣裳

通輿曰上古衣毛後代以麻易之先知為上以制衣後知為下以制裳易曰黃帝垂衣裳而天下治世本曰胡曹作衣裳衷曰黃帝臣呂氏春秋亦云淮南子曰伯余初作衣許慎注

云黃帝臣也一云伯余黃帝也世本又云伯余制衣裳子而洗  
錦帶前書曰十紀合推紀四始教人食鳥獸衣其皮毛家語  
五帝德孔子曰黃帝始垂衣裳

衮衣

事始曰黃帝作畫象日月星辰于衣上以似天故有衮龍之  
頌黃帝內傳曰帝伐蚩尤乃服衮冕至舜始備十二章書稱  
予欲觀古人之象日月星辰山龍華蟲作會宗彝藻火粉米  
黼黻絺繡以五采彰施于五色作服是也周登日月于太常  
九章而已餘五服俱周制也

裘

黃帝出軍決曰帝伐蚩尤未克夢西王母遣道人披玄狐之  
裘以符授帝然則彼時已有裘之名說文曰裘皮衣蓋上古

衣毛冒皮之遺象也

袴褶

唐書歸崇敬傳曰德宗時百官朝朔望皆服袴褶崇敬非之  
建言三代逮漢無其制隋已來始有服者于寶搜神記亦或  
言其物蓋晉以來有其制也通典晉衣服制有之云袴褶之  
制未詳所起近代服之無定色

朝服

晉書輿服志曰漢制五郊天子與執事服各如其方色百官不  
執事者服常服絳衣以從魏秦靜曰漢氏承秦改六冕之制  
但無冠絳衣而已魏以來名朝服

公服

筆談曰中國衣冠自北齊已來乃全用胡服窄袖緋綠唐武

德正觀時始爾開元之後稍衰博矣通典曰宇文護始袍加  
下欄遂為公服制即今公服之制也其蓋原矣

欄衫

唐志曰馬周以三代布深衣因于其下着欄及裾名欄衫以  
為上事之服今舉子所衣者欄衫之始也

衫

輿服志曰馬周上議禮無服衫之文三代有深衣請欄袖標  
襟為士人上服開袴者名缺袴衫庶人服之即今四袴衫也  
蓋自馬周始云續事始曰後周以象紵為衫貴女功始也

汗衫

實錄曰古者朝燕之服有中單郊饗之服又有明衣漢祖與  
項羽戰爭之際汗透中單遂有汗衫之名也

半臂

實錄又曰隋大業中內官多服半臂除即長袖也唐高祖減  
其袖謂之半臂今臂子也江淮之間或曰綽子士人競服隋  
始制之也

襖子

舊唐書輿服志曰讎服古製服也亦謂之常服江南以巾褐  
裙襦北朝雜以戎夷之制至北齊有長帽短靴合袴襖子朱  
紫玄黃各任所好若非元正大會一切通用蓋取于便事則  
今代襖子之始自北齊起也

涼衫

筆談曰近歲京師士人朝服乘馬以黻衣蒙之謂之涼衫亦  
古遺法也儀禮曰朝服加景袒不知古人制度何如耳

大衣

商周之代宮世內外命婦服諸翟唐則裙襦大袖為禮衣開元中

婦見舅姑戴步搖挿翠釵今大衣之制蓋起于此實錄大袖

在背子下身與衫子齊而袖大以為禮服疑即此也

長裙

實錄曰隋煬帝作長裙十二破名仙裙今大衣中有之隋制

也

披

又實錄曰三代無披說秦有披帛以縑帛為之漢即以羅晉

永嘉中制絳暈帔子開元中令三妃以下通服之是披帛

始于秦帔始于晉矣今代帔有二等霞帔非恩賜不得服為

婦人之命服而直帔通用於民間也唐制士庶女子在室搭

披帛出適披帔子以別出處之義今仕族亦有循用者

背子

又曰秦二世詔衫子上朝服加背子其制袖短于衫身與衫

齊而大袖今又長與裙齊而袖纔寬于衫蓋自秦始也

裙

又曰古所貴衣裳連下有裙隨衣色而有緣堯舜已降有六

破及直縫皆去緣商周以其太質加花繡上綴五色蓋自垂

衣裳則有之後世加文飾耳

衫子

又曰女子之衣與裳連如披衫短長與裙相似秦始皇方令

短作衫子長袖猶至于膝宜衫裙之分自秦始也又云陳宮

中尚窄衫子纔用八尺當是今制也

偏衫

僧尼之上服也僧史略曰後魏宮中見僧自恣偏袒右有乃施一邊衣號偏衫全其兩肩衿袖失祇支之體此疑其始也

腰帶

實錄曰自古皆有革帶及插垂頭至秦二世始名腰帶唐高祖令向下插垂頭取順下之義名鈿尾上元元年自三品官至庶人各有等制以金玉犀銀鍮鈿銅鐵為飾自十三鏤至六鏤筆談曰自北齊全用胡服鞞鞞帶所垂蓋欲以佩帶弓劍恂恂算囊刀礪之類後去鞞鞞猶存其環環所銜以鞞鞞如馬鞞根即今帶鏤也天子必以十三環為節唐開元之後帶鈞尚穿帶本為孔不朝加順折也

金帶

穆天子傳曰天子北征舍于珠澤珠澤之人獻白玉石天子賜黃金六鏤三五朱帶此即金帶之起也至唐定令為四品服宋朝太祖又以玉不離石犀不離角可貴者金也作金裘紋方團帶賜政府御仙花帶賜侍臣今世謂笏頭荔枝者此始也

環

瑞應圖曰黃帝時西王母獻白環舜時又獻之則環當出于此

指環

春秋繁露曰紂刑鬼侯取其指環五經要又曰古者后妃群妾御于君所當御者以銀環進之姬則以金環退之進者著右手退者著左手今有指環此之遺事也本三代之制者也

釧

通俗文曰環臂謂之釧後漢孫程十九人立順帝有功各賜金釧指環則釧之起漢已有之也

訶子

本自唐明皇楊貴妃作之以為飾物貴妃私安祿山以後頗無禮因狂悖指爪傷貴妃曾乳間遂作訶子之飾以蔽之事見唐宋遺史

珮

董巴輿服志曰古者君臣皆佩玉三代同之蓋起于夏后氏至周始制其等禮玉藻所記天子佩白玉公侯山玄大夫水倉世子瑜士士瑞政是也

璽

春秋運斗樞曰舜為天子黃龍負圖封兩瑞有璽文曰天皇符璽後漢祭祀志曰三王彫文詐偽漸興始有璽符以檢姦萌是印璽之起肇于三代也應劭曰璽信也古者尊卑共之月云令固封璽左傳襄公在楚武子之使季治問璽書而與之是也衛宏曰秦已前民亦以金玉為印龍虎鈕秦始天子稱璽又以玉群臣莫敢用也唐武后改曰寶章衡編年通載曰開元六年十一月乙巳改傳國璽曰寶也

印

七雄之時臣下璽始稱曰印史記蘇秦佩六國相印是也又人臣賜印之始云漢自三公而下有金銀銅三等今惟節度觀察防禦等使賜之事始曰州縣之有印始于秦按商鞅書定分篇曰法令之長印以封右券以法令之長有印以封券

則有司之賜印自秦孝公之變法始爾筆談曰舊制中書樞密三司使印塗金近制三省樞密院用銀蓋自神宗元豐中行官制初也

條印

通典曰北齊有督攝萬機之印一鈕以木為之長尺二寸廣二寸五分背上為鼻鈕長九寸厚一寸廣七分腹下隱起篆文曰督攝萬機凡四字唯以印縫今觀合縫條印蓋原於此

綬

禮玉藻曰天子佩白玉而玄組綬公侯山玄玉而朱組綬則綬蓋貫佩玉而相承受者也董巴輿服志曰戰國解去綬佩留其絲襪以采紺相連結于襪轉相綬今所帶綬蓋起于七國而名之自三代也

三葉采本闕

鞞

五經要義曰鞞舜所製禮明堂位曰有虞氏服鞞夏后山商大周龍章鄭康成曰鞞舜所作之以尊祭服三代增以畫文蓋冕服之鞞也周諸臣所服又有緇赤之別蘇氏演義曰昔先王食鳥獸之肉衣其羽皮鞞字遂從韋韋皮也春秋正義云戰國以鞞非兵飾去之漢明復制周赤皮魏晉以還易以絳紗字遂有從系者也蓋太古鞞膝之法象冕服謂之鞞朝服謂之鞞也

袴

史記屠岸賈滅趙氏趙朔之妻有遺腹生男賈索之夫人置其袴中其稱始見諸此實錄曰上古食肉衣皮遂以為袴名袴褶今武士大口袴褶是魏文上馬袴也

禪  
寶錄曰西戎以皮爲之夏后氏以來用絹長至于膝漢晉名  
犢鼻北齊則與袴長短相似而省犢鼻之名

魚袋

實錄曰三代以韋爲之謂之筭袋魏易之爲龜唐高祖給隨  
身魚三品以上其飾金五品以上其飾銀故名魚袋天后改  
爲龜後復曰魚神龍初賜紫則給金魚賜緋則給銀魚不限  
品也唐會要曰永徽二年四月二十九日給隨身魚袋咸亨  
三年五月三日始令京官四品五品職事佩銀魚久視元年  
十月十三日職事三品以上用金飾四品銀五品銅景雲二  
年四月二十四日赦文魚袋着紫者金裝緋者銀裝宋朝神  
宗元豐末親王又賜玉魚以副金世宗以唐禮也韓文公之詩

曰不知官高卑玉帶懸金魚是也

笏

唐會要曰笏周制也周禮諸侯象大夫魚鬚士以竹晉宋以  
來謂之手板西魏以後五品以上通用象牙武德四年七月  
六日詔五品以上象笏六品以下竹木笏舊制三品以上前  
挫後宜五品以上前挫後屈武德以來一例上圓下方也淮  
南子曰武王問太公曰寡人伐紂恐後世聞爭不已太公曰  
王欲久持則塞民于兌于是解其劍而帶之笏此蓋周人制  
笏之始也樂記曰武王克商袒冕搢笏而虎賁之士說劍也  
笏袋

唐明皇雜錄曰故事皆搢笏于帶然後乘馬張九齡體弱不  
勝因設笏囊使人持之馬前遂以爲常制梁職儀曰八座尚



書以紫紗裹手板垂白絲于手如筆通志曰今僕射尚書手板以紫皮裹之名曰笏袋梁中世以來執笏者皆白筆綴頭以紫囊之此又似笏之設囊之始也

笏帛

酉陽雜俎曰陳希烈不便搢笏騎馬以帛囊之今左右持之笏之設帛自此始也

鞞

文子曰文王伐崇鞞係解則其物已見于商代實錄曰自三代以來有之謂之角鞞前後兩相承中心繫之以帶泊魏文帝吳妃乃始裁縫為之即今樣也以綾為之洛神賦羅鞞生塵是也

履鳥

世本曰于則作屣履宋衷曰黃帝臣皋曰屣麻皮曰履實錄曰三代皆以皮為之單底曰履復底曰鳥古今註曰鳥以木置履下乾腊不畏泥温履乃屣之不帶者蓋祭服謂之鳥朝服謂之履燕服謂之屣也周禮屣人有赤黑二鳥素葛命功等四屣亦通名耳續事始曰宋元嘉元年始有鳳頭履故今人亦有鳳頭鞋也

靴

釋名曰本胡服趙武靈王所作實錄曰胡屣也趙武靈王好胡服常短靴以黃皮為之後漸以長靴軍戎通服之唐馬周以麻為之殺其絨加以靴韁開元中裴叔通以羊皮為之隱縻加以帶子裝束筆談曰北齊全用胡服長靴也續事始曰故事胡虜之服不許着人殿省至馬周加飾乃許也

屨

草履也詩糾糾葛屨是也唐韻曰屨草履黃帝臣于則所造世本亦曰于則作屨屨宋衷云草屨為屨實錄謂始皇二年始以蒲為屨馮鑑續事引古今注云屨亦履也以謂有帶者此說非也

鞋

古者草謂之屨彼皮謂之履實錄曰屨夏商皆以草為之周以麻晉永嘉中以絲或云馬周始以麻為之名鞋也古今注曰魏文帝絕寵以巧笑始製絲履則非晉永嘉中始以絲為鞋矣按礼少儀云國雖靡敝君子不履絲履則周人已用絲為屨也

屨

異苑曰介之推抱木燒死晉文公伐以製屨蕭子顯齊書曰襄陽有發楚王塚獲王屨論語隱義曰孔子至蔡有取孔子屨者按晉文公之時已有製屨之事而孔子亦有其物則是屨之為物春秋之閒已見于世矣至司馬晉遂為常服也古今注曰屨即白之制而木匠曰齒也

雨衣

事始曰凡雨且周已有左傳云陳成子衣製仗戈杜預注曰製雨衣也是矣炙穀子曰惟綃油製之及油帽陳始有之也馮鑑又引左傳楚子次于乾谿雨雪王皮冠秦復陶以證雨衣按虞開父為周陶正注曰陶復陶白氏取為尚衣之職杜預又以復陶為油衣蓋若晉武所焚雉頭裘唐太平公主所服百鳥毛裙今世驅褐之類也不得為雨衣云

學

禮有虞氏養凶老于上庠又曰古之教者家有塾黨有庠遂有序國有學孟子曰夏曰校商曰序周曰庠序則三代共之  
泐革曰有虞氏太學為上庠然則學自有虞氏始也通典曰漢文翁為蜀郡修起李宮天下皆立學自文翁始也

孔子廟

後漢鍾離意傳曰意為魯相身入孔子廟堂蓋孔氏家廟也唐禮樂志曰武德二年始詔國子立孔子廟會要云六月一日也正觀四年又詔州縣皆作會要又曰高宗總章二年勅天下皆置宋朝曰之

配坐

通典曰魏永皇至芳正始二年二月講論通使太常釋奠以大牢祀孔子于辟雍以顏回配此蓋其始也唐會要曰正觀二  
年以顏子配享孔子廟神宗熙寧中大興學校又兼以孟子配也

先賢配

唐會要曰正觀二十一年二月十五日詔以左丘明等二十一人並令配享尼父廟堂此蓋其始也蘇氏曰正觀顯慶稱二十一賢大極開元即稱二十二賢將前勅并學令比類于服虔下有曾公達不知何年月附入

武學

宋朝神宗熙寧中興學以上舍養士始就武成王廟側建武學如太學後議章衡編年通載曰仁宗慶曆三年五月置武學

于武成王廟初八月罷

太公廟

唐書明皇本紀曰開元十九年四月丙申始立太公廟十八日也

武成廟

唐會要曰開元十九年四月十八日置太公廟以張良配享仍簡取自古名將准十哲上元元年閏四月十九日赦文太公望追封武成王委中書門下擇古名將准文宣王例置亞聖十哲建中三年七月十一日史館奏奉今年五月十五日勅武成王廟配享人宜令史館參詳定名以張良田穰苴已下十人為十哲孫臏范蠡以下七十二人為弟子

賢良

漢唐逮今取士之制有賢良方正茂才異等六科謂之制舉亦曰大科謂之謂之賢良其制蓋自漢文帝始史記文紀一年十二月日合令舉賢良方正能直言極諫以輔不逮至十五年九月錄立陽侯密等所選晁錯曰與自朕躬是也亦見班固前漢晁錯本傳云事始則謂自孝武策仲舒始非也

秀才

漢氏取士又有孝廉秀才二等齊宋以來州有秀才之舉隋唐之代其科最上正觀中有舉而不第者坐其州長由是其科廢故自唐及今雖進士猶以秀才為號自唐漢之舊也蘇氏演義曰若漢武有策秀才文也李肇國史補曰進士為時所尚久矣俊實在其中由此出者終身為文人其通稱謂之秀才投刺謂之鄉貢肇元和中人蓋自憲宗時已為進士之

稱也

進士

據言曰周禮諸侯貢賢于天子升之太學曰造士大樂正論造士之秀者以告于王而升諸司馬曰進士其事見于禮玉制及周官樂正之職此蓋進士之始也據言又云隋大業中始置進士之科此蓋設科之始也

明經

漢始以明經射策取人以通經多寡補文學掌故唐乃置明經之科開元中崔元瓘上言問大義十道時務策三道宋朝定業三經策三十道也

學究

唐選舉志取士之科有明經有進士有明法有九經有五經

有三經有三經有學究為舉之常選學究設科自有唐也宋朝神宗熙寧中以經術興三舍始除之

三禮

唐會要曰德宗正元五年五月五日置三禮科唐百官志則云二月始置三禮開元禮科

三傳

又會要曰穆宗長慶三年二月商侑奏置三傳及三史科宋朝神宗始以經義取士獨立進士明法二科餘並廢也

明法

漢新有國詔明法者遺詣相府此明法之始也唐始設明法科

處士

史記伊尹于湯致于王道曰伊尹處士湯迎之五反然後往  
此名處士之始也宋朝有冲晦處士李退夫在慶曆皇祐之  
間也材系兩朝賢訓曰康定中賜興化徐復號冲晦處士終  
醜擇號安素處士

### 武舉

唐選舉志曰武舉蓋起于武后之時其始置在長安二年也  
唐會要曰長安三年正月十七日詔天下諸州宜教武藝每  
平準明經進士貢舉例送此武舉之始也宋朝具科雖不廢  
亦不常舉自神宗立武學始詔三歲一次隨進士明法發解  
也寶訓云天聖中置皇祐初詔罷治平元年樞密院言不可  
廢英宗復置之

### 鄉貢

唐會要曰開元十九年六月六日勅諸州貢舉皆于本貫不  
得于所在附貫然則貢舉之州鄉貫自明皇始也

### 貢士

周禮大司徒邦國舉賢者于五則貢舉之始也唐武德初諸  
州號明經後秀州縣試取合格者每年十月隨方物入貢據  
言曰武德辛巳歲四月一日勅也按辛巳武德四年云

### 群見

唐高祖始詔舉人隨物入貢會要曰長壽二年十月十日劉  
承慶疏伏見比來天下所貢物至元日皆陳在御前唯貢人  
獨于朝堂拜恐所謂重物輕人請貢人列方物之前從之此  
貢人群見之始也筆談曰舊制貢舉人到闕悉入對謂之群  
見遠方上不知朝廷儀班列紛錯見之日至有更相抱持以

均補座右司忠之近歲止令解頭入見蓋自仁宗時也

詞賦

唐書薛登傳登天授中上疏曰漢世求士必先其行魏取放  
達晉先問閔陳梁熊士特尚詞賦詞賦取人始于梁陳也唐  
天寶十三載始試詩賦蓋用梁陳之意云科舉之以詞賦此  
其初也國家自神宗專以經術取士詞賦遂罷

三場

貢士前漢唯射策唐初并試雜文天寶十三載舉人問策外  
更詩賦并雜文貼經為三場試也通典云據言曰進士與俊  
秀同源異派兩漢有射策對策唐高宗垂拱元年吳師道等  
及第勅批云略觀其策並未盡善調露二年劉思玄請加試  
雜文神宗元年方行三場試云

雜文

唐正觀八年劉思玄始令貢士試雜文今論是也據言云調  
露二年見上條

印卷

五代會要曰清泰二年九月貢院奏奉天成四年勅舉人試  
前五日納試紙用中書省印印訖付貢院院司緣所試場數  
極多旋旋印紙鑲宿內中在往來不便請祇用當司印從之  
則試卷之用印自唐明宗始也

混旁

宋朝會要曰大中祥符四年五月晁迥等奏引試進士預令  
於貢院納卷子試前一日常院出榜曉示逐人排坐位處所  
則引試之有坐位自此為始今亦為混旁

印題

又宋朝會要曰大中祥符元年二月二十二日真宗親試進士於崇政殿內出三題摹印以賜印題自茲始也

封彌

即糊名也唐初以試有官人披選舉志唐初擇人以身言書判六品以下集試初試選人其糊名令學士考判又張說傳曰永昌中武后策賢良詔李嶷謀糊名考覆國史異纂曰武后以吏部選人多不實乃令試日自糊其名暗考以定其符第蓋糊名考校自唐始也今真舉發解皆用其事曰封彌宋朝會要曰咸平二年正月命董龜正等封印卷首蓋試日就院置局始命官曹主之也話錄亦謂糊名自唐武后始也

巡鋪

宋朝會要曰雍熙二年正月詔禮部引試分差官仰下察視勿容私相教授此巡鋪之始也初以檢視九經諸科至景德四年十二月十三日命喬希顏等始為巡試鋪又天聖二年正月始有巡鋪官孔延魯自此巡鋪遂為定制也

監門

又曰雍熙二年正月詔禮部試九經諸科輪差差官二人在省門監守此試院監門之始也洎○真宗景德四年十二月十三日乃命嚴類等專監門也

知舉

唐選舉志曰隋唐之代貢士皆考功主試開元二十四年考功員外郎李昂為舉人詆訶玄宗以員外郎望輕遂移貢舉於禮部以侍郎主之禮部選士自茲始也



對拜

進士貢院

筆談曰禮部貢院試進士日設香案于階下主司與舉人對拜此唐禮也設為供帳有司具茶湯至試學究則悉徹帳幕氈席之類亦無茶湯防氈幕及供應人私傳所試經義蓋嘗有敗者故也

別試

又唐選舉志曰開元二十四年以禮部侍郎主選其親故移考勅謂之別頭正元十六年高郢奏罷之元和十二年又復之宋朝謂之別試所試有別頭自唐開元始也

放榜

據書曰進士榜頭立粘黃紙四張以氈筆淡墨衣轉書禮部貢院四字或曰文皇親以飛帛書之又云象陰汪陽受之狀

轅亦指唐室始也張洎賈郎中談錄曰賈君嘗問放舉人榜貢院容用淡墨氈書何也對曰聞諸祖父說李紆侍郎將放舉時卻筆吏書更暴卒令史王相然其事相被酒揮染不能加墨逮明張榜始覺無及矣一榜之內字有二體反致其妍自後因模法之遂成故事今用氈書蓋益增其奇麗

殿試

茲禮起于漢武帝其策賢良文曰興自朕躬是也通典曰唐武后載初元年二月十四日策問貢人于洛城殿殿前試人自此始也宋朝會要曰開寶六年三月太祖御講武殿覆試宋準以下先是禮部放準等十策徐士廉檮登聞鼓上言知舉官取捨非當即詔禮部籍入策進士并終場經學準等並覆試於殿廷自是為常制編年通載云三月庚午也御試舉

人自此始也

唱名

宋朝會要曰雍熙二年三月十五日太宗御崇政殿試進士梁顥首以程試上進帝嘉其敏速以首科處焉十六日帝按名一一呼之面賜及第唱名賜第蓋自是為始也

五甲

又曰淳化三年三月四日帝御崇政殿試進士詔糊名考校定其優劣為五等第一至第二等賜及第第三第四賜出身第五賜同出身五等之分自此為始也天聖五年始曰甲及第

漢之取士其射策中者謂之高第隋唐以來進士諸科遂有及第之目

釋褐

宋朝會要曰太平興國二年正月十二日賜新及第進士諸科呂蒙正以下綠袍靴笏常例也御前釋褐蓋自是始吳處厚青箱雜紀曰世傳潘閔安鴻漸八才子圖皆策蹇重戴又王禹偁贈崔遵度及第未脫白詩曰且留重戴士風多則國初舉子猶重戴矣此唐風也英宗在諫陰於及第後用其禮云

賜宴

又曰開寶八年賜新及第進士王嗣宗等錢有手令宴樂太平興國二年正月七日太宗親試呂蒙正以下並賜及第仍賜宴開寶寺兼降御製詩二首賜之此賜宴及詩之始也唐制禮部放榜後勅下之日醵錢於曲江為開嘉宴近代多於

名園佛廟至是官爲供帳爲盛集焉景德二年始賜宴於瓊  
林苑自此爲定制按李肇國史補云曲江大會此爲下第舉  
人其筵席簡率比之幕天席地尔來漸加侈靡皆爲上列所  
據向之下第舉人不復預矣據言曰曲江遊賞雖云自神龍  
已來然盛於開元之末今瓊林賜宴亦唐曲江杏園之事尔

題名

宋朝之制進士中第必賜名於桂籍堂其事以唐人題名慈

恩寺爲始劉禹錫嘉話錄曰慈恩題名起自張莒本於寺中  
開乃而題其同平人因爲故事據言云神龍已來杏園宴後  
皆於慈恩寺塔下題名又曰進士題名自神龍之後遇開宴  
率皆期集慈恩塔下題名

賜儒行

宋朝會要曰淳化三年三月詔以新印儒行賜近臣先是御  
試進士日以儒行篇爲論題帝欲激勸士流敦儒行故特令  
雕印至是首賜新及第舉人孫何聖旨諭令依此修身爲治  
天聖五年四月賜新及第進士王堯臣以下禮記中庸各一  
本八年四月王拱辰以下又賜大學篇也

謂先師

唐書劉伯芻傳伯芻子允章咸通中爲禮部侍郎請諸生及  
進士第並謂先師則茲禮起於唐懿宗之世劉允章請也又  
選舉志曰開元五年始令鄉貢明經進士見訖國子監謁先  
師是則開元之禮第施於貢士而咸通時允章所請糾開元  
貢士之禮而爲之制也唐會要云開元五年五月八日也據  
言又以爲九月詔

登科記

唐會要曰大中十年四月禮部侍郎鄭顥進進士諸家科目記十三卷勅自今後放榜訖仰寫及第人姓名仍付所司逐年編次據言曰永徽已前俊士秀才二科猶與進士並列咸亨後由文舉子舉子有司者競集於進士繇是趙係刪去俊秀才故目之曰進士登科記其事之始疑自唐初而獨以進士登科名記當起於高宗時趙係云

曳白

唐天寶元年冬選六十四人判入等時御史中丞張倚男與判入高等者俱下第者當爲勸令以其事言安祿山祿山奏之來年正月方宗御勤政樓親重試唯十二人比類稍優張與不措一辭時人謂之曳白即拖白是也

○三卷終

